



12. juni 2012

Inatsisartut Suleriaasianni § 37 naapertorlugu Naalackersuisunut apeqquq imaattoq matumuuna saqqummiuppara:

Naalackersuisunut apeqquq:

1. Namminersorlutik Oqartussat pisortanut akiitsunik akiliisitsiniartarnek akiitsoqalersitsinaveersaernerlu pillugit inatsit atorlugu politikikkikut suliniarnermut tapiissutinik tunniunneqartartunik politikikkikut sulinermit tapiissutitut inatsisartut inatsisaat naapertorlugu, noqitsisinnaappat?

1a. Apeqquq 1 itigartinneqassappat, paaserusuppara, qanoq iliorluni politikikkikut tapiissutinik noqitsinissaq pisinnaassanersoq.

1b. Apeqquq 1 akuersaartumik akineqassappat paaserusuppara qitiusumik akiliisitsiniartartut imaluunniit kommuniusimasuni akiliisitsiniartartut sukkulluunniit taamatut noqitsinissaminnut iliuuseqarsinnaanersut aamma tamanna qanoq inerneqassanersoq. Akissut pisariaqartitsineq naapertorlugu ilisarnarunnaarsarneqarsinnaavoq.

2. Naalackersuisut apeqqummut tunngatillugu paasissutissanik allanik tunniussaqaarsinnaappat?

(Inatsisartunut ilaasortaqaq Andreas Uldum, Demokraatit)

Tunngavilersuut:

Inatsisartut Naalackersuisut pillugit Inatsimmi § 1 naapertorlugu Kalaallit Nunaanni Naamminersorlutik Oqartussat tassaapput Inatsisartut aamma Naalackersuisut.

Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaat nr. 3, 2. maj 1996-imeersoq kingorna Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaatigut nr. 6, 15. april 2011-imeersukkut allangortinneqartoq naapertorlugu taava pisortat pisinnaatitaapput pisortanut akiitsunik assigiinngitsunik akiliisitsiniarsinnaanissaminnut. Aamma inatsit naapertorlugu Namminersorlutik



Oqartussat pisuni aalajangersimasuni assigiinngitsuni akiitsulinnut aningaasat tunniunneqartussat ilaannik noqitsisinnaapput. Apeqquteqarnikkut paaserusuppara inatsit qanoq atorsinnaatiginersoq Inatsisartut Inatsisaannut nr. 1-mut 31. maj 2001-meersumut naleqqiulugu, kingorna allangortinneqartoq Inatsisartut Inatsisaat nr. 25 18. november 2010-meersoq aqutigalugu, Naalackersuinikkut sulinermut aningaasatigut tapiissuteqartarnek pillugu Inatsisartut inatsisaat.

Politikkikkut partii inatsisit naapertorlugit peqatigiiffittut namminersortutut isigineqarpoq, nammineq akiligassaminut akisussaasoq. Partii akiitsoqalersinnaavoq, partiip akilissallugu akisussaaffigisaanik. Partiip akiitsuminut pisussaaffini sumiginnarpagit, taava partii – allatulli peqatigiiffittut suliffittullu namminersortutut – akuerisariaqarjaa, akiligassaqaarfiit akiliisitsiniarnissaat inatsisini atuuttut sakkussarititaasut naapertorlugit.

Matumani pineqarsinnaapput politikikkut partiit Namminersorlutik Oqartussanut akiitsumi aamma namminersortunut akiitsut. Politikikkut partiip namminersortunut akiligassaminik sumiginnappat taamaasilluni akiliisitsiniartoqarsinnaavoq pisortat akiliisitsiniartarfii aqutigalugit. Tamannali partiip akiligassaqaarfiullu akunnerminni aaqqitassaattut isigisariaqaralarpoq.

Politikkikkulli partiit Namminersorlutik Oqartussanut akiitsoqapat tamanna allatorluinnaq isigisariaqarpoq. Siullermik Namminersorlutik Oqartussat pisortanut akiitsoqartoqartillugu akiliisitsiniartarnek akiitsunitsitsinaveersarnerlu pillugit inatsisartunut inatsit qulaani taaneqareersoq naapertorlugu, immikkut akiliisitsiniarsinnaatitaavoq, aningaasanillu tunniussassanik noqitsisinnaatitaalluni. Aappasaanik partiit isertitaasa amerlanerpaartaat Namminersorlutik Oqartussanit tapiissutaapput, takuuk aningaasanut inatsimmi kontu pingaarnek 01.06.11, politikikkut suliniarnermut tapiissutit, tassani 2012-mut immikkoortinneqarput 9,760 mio. koruunit, maannakkorpiaq Inatsisartuni qinigaatitaqartut partiit tallimat agguagassaattut. Tapiissutit Inatsisartut Siulittaasoqarfianit aquunneqarput.

Politikkikkut partii assersuutigalugu Namminersorlutik Oqartussanut akiitsoqalersinnaavoq A-skattimut akiligassanik akiliinngitsoortarnermigut, innaallagissamut, imermut kiassarnermullu akiligassanik akiliinngitsoortarnermigut imaluunniit bingortitsinermi akitsuummik akiliinngitsoortarnermigut. Akiitsut taaneqartut tamarmik Pisortanut akiitsut



DEMOKRAATIT
DEMOKRATERNE

akilersinniarneqartarnerat pinaveersaartinneqarnissaallu pillugit Inatsisartut inatsisaata § 1-ani imm. 2-3-milu ilaareerput.

Taamaattumik pissusissamisuunngilaq Namminersorlutik Oqartussat akiitsut akilersinniarlugit Namminersorlutik Oqartussat partiinut tapiissutaat ilanngarsinnaassanngippatigit akiitsunut akiliutissatut.

Akissut perusuppara ullut suliffiit naligninnaasut qulit iluanni.